

Ny hafatra: Ny Epifanía, na fisehoan'Andriamanitra, dia ho amin'ny fanadiovana ny olony mba tsy hahameloka azy, satria mpanota izy. Nataon'i Jesosy ho zava-dehibe ny fanadiovana ny mpianany, fa voalazan'ny Soratra Masina hoe: "Ary raha mbola teo amin'ny fisakafoana harival [...] dia nitsangana niala teo am-pihinanana Izzy ka nametraka ny lambany ary naka lamba famaohana, ka nisikinany; ary rehefa vita izany, dia nampidina rano tamin'ny tavy Izzy ka nanomboka nanasa ny tongotry ny mpianatra sy namaoka azy tamin'ny lamba famaohana izay nisikinany" Jao.13:2<sup>a</sup>-4-5. Fa ny Tompo dia "Andriamanitra Masina" ka tsy tia fahalotoana, izay itarafana ny asan'ny ota sy ny devoly ari ny fomba fiainan'zao tontolo izao (Jak.4:4/ 1 Jao.2:15). Tsy tiany ny olony hitafy fahalotoana, fa hitafy kosa fahamasinana sy voninahitrahaka Azy, fa hoy Izzy: "Ho masina hianareo, satria Masina Aho" Lev.11:44. Ary dia mibaiko Izzy manao hoe: "Madiova, hianareo izay mitondra ny fanak'i Jehovah" Isa.52:11<sup>b</sup>. Hoy koa ny Apostoly Jakoba: "Diovy ny tānanareo, ry mpanota; ary ataovy madio ny fonareo, ry miprova saina" Jak.4:8<sup>b,d</sup>. Fa hoy Jesosy: "Sambatra ny madio am-po, fa izy no hahita an'Andriamanitra" Mat.5:8. Fa "izay tsy manam-pahamasinana dia tsy hahita ny Tompo" Heb.12:14, satria ny fahalotoana no manakana azy, toy ny solomaso maloto ka manakana tsy hahitana ny mazava. Ary satria tiany indrindra ny olony hahita Azy mba hahavony azy, dia manao izay hanadiovana sy hanamasinana azy Izzy. Izany dia amin'ny alalan'ny rany, izay "manadio antsika ho afaka amin'ny tsi-fahamarinana rehetra" 1 Jao.1:9<sup>b</sup> sy ny teniny, araka ny vavaka nataon'i Jesosy manao hoe: "Manamasina azy amin'ny fahamarinana, ny teninao no fahamarinana" Jao.17:17, ary indrindra ny Fanahy Masina, Izzy hery sy voninahit'Andriamanitra izay atafiny ny olony, araka ny teniny manao hoe: "Hahazo hery hianareo amin'ny hilatsahan'ny Fanahy Masina" Asa.1:8<sup>a</sup>. Ho fehin'izany, dia hoy ny Tompo: "Sambatra izay manasa ny akanjony, mba hananany fahefana amin'ny hazon'aina sy hidirany amin'ny vavahady ho ao an-tanàna" Apok.22:14. Ho azy ireo dia hoy Jesosy: "Midira amin'ny fifalian'ny Tomponao" Mat.25:21<sup>d</sup>,23<sup>d</sup>.

Alatsinainy 29.01.24: Ny Mesia manadio ny mpanota.

"Hodioviko ho afaka amin'ny helony rehetra izy, Izay nanotany tamiko" Jer.33:8<sup>a</sup>.

Vakiteny 1: Jao.14:15-21. Vakiteny 2: Jer.33:6-9. Toriteny 1 (safidy). Toriteny 2: Jer.33:8.

Fitarihan-kevitra: Ny heloka dia ny fahadioana noho ny tsy finoana sy ny fandavana an'Andriamanitra (Gen.3:6). Efitra mampisaraka Aminy izany, dia efity ny fiafенана amin'ny tavan'Andriamanitra (Gen.3:8<sup>b</sup>) sy manda atsangana hanoherana Azy (2 Kor.10:5). Tonga Jesosy nividny ny mpanota tamin'ny rany izay manadio amin'ny tsi-fahamarinana rehetra (1 Jao.1:9<sup>b</sup>).

Talata 30.01.24: Amin'ny fiaretana no anadiovan'Andriamanitra ny olona.

"Fa araka ny haben'ny fijalian'i Kristy mihatra aminay no haben'ny fampiononana anay kosa amin'ny alalan'i Kristy" 2 Kor.1:5.

Vakiteny 1: Isa.53:7-12. Vakiteny 2: 2 Kor.1:3-11. Toriteny 1 (safidy). Toriteny 2: 2 Kor.1:5.

Fitarihan-kevitra: Efa raiki-tapisaka lalina amin'ny fiainan'ny olona ny fahalotoana, ka manjary toetry ny maha-mpanota azy. Fa dingana iray ny fotoanan'ny fahateraham-baovao omen'Andriamanitra azy (Jao.3:3), fa asa lavitra ezaka koa ny fanamasinana azy. Hoy indrindra ny Apostoly Paoly manambara izany: "Ankehitriny dia mifaly amin'ny fiaretako ho anareo aho, ary mahatanteraka ao amin'ny nefoko izay tsy vita tamin'ny fahorian'i Kristy ho an'ny tenany, dia ny fiangonana" Kol.1:24.

Alarobia 31.01.24: Ny fisehoan'ny Mesia, loharanom-panasitrana.

"Ary nahasitrana olona maro izay nararin'ny aretina samy hafa Izzy sady nanaoka demonia maro" Mar.1:34<sup>a</sup>.

Vakiteny 1: Isa.53:4-6. Vakiteny 2: Mar.1:21-35. Toriteny 1 (safidy). Toriteny 2: Mar.1:34.

Fitarihan-kevitra: Voalazan'ny Soratra Masina fa talanjona ny maro nandre ny tenim-pahasoavana sy feno fahefana naloaky ny vavan'i Jesosy sy nahita ny asa mahagaga rehetra nataony, ka niloa-bava nanao hoe: "Tsara ny nanaovany ny zavatra rehetra" Mar.7:7<sup>b</sup>. Fa hainy tokoa ny zavatra rehetra, izay zavatra tsy hain'ny olona (Mat.19:26). Koa na inona na inona rofy sy aretina dia nositrany avokoa, satria Andriamanitra Izzy. Fa hoy ny tonon-kira: "Maro ny aretinay, nefä samy afakao" (Hira 469:3, FFPM).

Alakamisy 01.02.24: Ny fisehoan'ny Mesia, tokim-panavotana ho an'ny mino.

"Fa nitsinjo ny olony Izzy ka nanao fanavotana ho azy" Lio.1:68<sup>b</sup>.

Vakiteny 1: Efes.1:1-14. Vakiteny 2: Lio.1:66-80. Toriteny 1 (safidy). Toriteny 2: Lio.1:67-68.

Fitarihan-kevitra: Endriky ny fanadiovana ny fanavotana nataon'i Jesosy tamin'ny famelana ny heloky ny mpanota. Fa tanteraka amin'izany ny tenin'i Davida ao amin'ny Salamo raha nibebaka noho ny fahadioany izy ka nanao hoe: "Diovy hysopa aho ho afapahotana, dia hadio; sasao aho, dia ho fotsy mangatsakatsaka" Sal.51:7. Fa hoy ny mpanao Salamo: "Sambatra ny olona izay voavela ny helony ary voasarona ny fahotany" Sal.32:1, dia izy voadion'Andriamanitra.

Zoma 02.02.24: Ny fanavotan'Andriamanitra manamarina ny mpanota.

"Hamarinina maimaimpoana amin'ny fahasoavany izy noho ny fanavotana izay ao amin'i Kristy Jesosy" Rom.3:24.

Vakiteny 1: Mat.9:9-13. Vakiteny 2: Rom.3:19-26. Toriteny 1 (safidy). Toriteny 2: Rom.3:23-24.

Fitarihan-kevitra: Ny hoe "hamarinina" dia midika koa hoe "nodiovina mba tsy hanan-tsiny na fahadioana". Izany fanamarinana ataon'Andriamanitra izany dia amin'ny alalan'ny famelan-keloka rehetra, izay fanomezana tsy voavidim-bola. Fa voasoratra hoe: "Fahasoavana no namonjena anareo amin'ny finoana; ary tsy avy aminareo izany, fa fanomezana avy amin'Andriamanitra; tsy avy amin'ny asa, sandrao hisy hirehareha" Efes.2:8-9.

Sabotsy 03.02.24: Minoa ny asa fanadiovana atao'n'i Jesosy.

"Izao no didiny, dia ny hinoantsika ny anaran'i Kristy Zanany [...]" 1 Jao.3:23.

Vakiteny 1: Heb.11:1-10. Vakiteny 2: 1 Jao.3:18-24. Toriteny 1 (safidy). Toriteny 2: 1 Jao.3:23.

Fitarihan-kevitra: Feno sy tanteraka ary tsy manam-paharoa ny asa fanadiovana nataon'i Jesosy. Fa nafoiny ny ainy hamonjena ny mpanota (Jao.10:11), nomeny ny teniny hanamasinana azy mba handehanany amin'ny fahamarinana, dia araka ny sitrapon'Andriamanitra (Jao.17:17), ary nirahiny ny Fanahiny mba hanavao ny sainy (Rom.12:2<sup>b</sup>) sy hivavaka hifona ho azy (Rom.8:26). Ho an'izay mangetaheta mila fanadiovana, dia hoy Jesosy: "Mety Aho; madiova hianao" Mat.8:3<sup>b</sup>.